

სსიპ - საქართველოს ტურიზმის ეროვნული

ადმინისტრაცია



ელექტრონული ტენდერით კვლევის ეტაპების სპეციფიკური საკითხების და SPSS-ის
პროგრამული პაკეტის საშუალებით რთული ოპერაციების განხორციელების შესწავლის
კურსების უზრუნველყოფის მიზნით სატრენინგო მომსახურების შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის,
„გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის
დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების
საფუძველზე

2016 წელი
ქ. თბილისი

სარჩევი

1.	ინსტრუქცია ტენდერში მონაწილეთათვის	3
2.	ტექნიკური დოკუმენტაცია	4
3.	სახელმწიფო შესყიდვების შესახებ ხელშეკრულების პროექტი.....	7
4.	რეკვიზიტები დანართი №1	10
5.	გასაწევი მომსახურების ფასების ცხრილი დანართი №2	11
6.	ინფორმაცია ტრენერის გამოცდილების შესახებ დანართი №3	12

1. ინსტრუქცია ელექტრონულ ტენდერში მონაწილეობის მისაღებად

1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით.

1.2 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების შესაბამისად.

1.3 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.7 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, სანაპიროს ქ. №4, მე-6 სართული. საკონტაქტო პირი: მაია ასლანიშვილი/ნინო ტვილდიანი ტელ: 243 69 99 (19)

2. ტექნიკური დოკუმენტაცია

2.1 საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- ბ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ.

2.1.2 ინდივიდუალური მეწარმეთათვის:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- ბ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ.

2.1.3 ფიზიკური პირებისათვის:

- ა) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ;
- ბ) პირადობის დამადასტურებელი მოწმობის ასლი.

2.2 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში - საკვალიფიკაციო მონაცემების დამადასტურებელი დოკუმენტები გაცემული უნდა იყოს ამ წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3 ამ პუნქტის 2.2 პუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტებმა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4 შესყიდვის სავარაუდო ღირებულება:

შესყიდვის სავარაუდო ღირებულება შეადგენს: **5350 (ხუთი ათას სამას ორმოცდაათი) ლარს.**

2.5 ანგარიშსწორების პირობები:

2.5.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.5.2 ანგარიშსწორება მოხდება უნაღდო ანგარიშსწორებით ლარში.

2.5.3 ანგარიშსწორება განხორციელდება მიღება-ჩაბარების აქტის გაფორმებიდან 20 დღის განმავლობაში.

2.5.4 საავანსო ანგარიშსწორება არ გამოიყენება.

2.5.5 დაფინანსების წყარო: 2016 წლის სახელმწიფო ბიუჯეტი.

2.6 შესყიდვის ობიექტის ტექნიკური დავალება:

2.6.1 გამარჯვებულმა პრეტენდენტმა უნდა უზრუნველყოს შემსყიდველისთვის ტრენინგ კურსი კვლევის ეტაპების სპეციფიკური საკითხების და SPSS-ის პროგრამული პაკეტის საშუალებით რთული ოპერაციების განხორციელების შესწავლის.

SPSS-ის ტრენინგ კურსი უნდა მოიცავდეს შემდეგ საკითხებს:

პრაქტიკული ნაწილი:

1. შესავალი - სამუშაო გარემო SPSS-ში

- ფანჯრების და ფაილების ტიპები SPSS-ში;
- ცვლადი (ცვლადის სახელი, ცვლადის ტიპები);
- მონაცემთა შეყვანის ბადის შექმნა, მონაცემების შეყვანა;
- Access ბაზების SPSS-ში გადატანა;

- გამოკითხული ინფორმაციის მათემატიკური მოდელირება, მონაცემთა კოდირება;
- ბაზების გასუფთავება;

შემთხვევითი ანალიზი (Case study): სტატისტიკის ეროვნული სამსახურიდან Access ფორმატში მიღებული ბაზების SPSS-ის ფორმატში გადატანა.

2. მოქმედებები შეყვანილ ინფორმაციაზე, მონაცემთა ლოგიკური კონტროლი

- მონაცემთა გაერთიანება და რედაქტირება;
- ერთგანზომილებიანი განაწილება - სიხშირული ანალიზი;
- კროსტაბულაციური ანალიზი.

შემთხვევითი ანალიზი (Case study): სტატისტიკის ეროვნული სამსახურიდან მიღებულ SPSS-ში დამუშავებულ ბაზებზე შესწავლილი ოპერაციების განხორციელება.

3. მოქმედებები შეყვანილ ინფორმაციაზე, ცვლადებით მანიპულირება

- მონაცემთა ბაზა, როგორც ასეთი მისი ფორმირების და სტრუქტურირების პრინციპები;
- მონაცემთა ფილტრაცია და სტრუქტურის შეცვლა;
- მონაცემთა ბაზების გაერთიანება და აგრეგაცია;
- მონაცემთა სორტირება რამოდენიმე პარამეტრის მიხედვით;
- მონაცემთა მონიშვნა Select-ბრძანება;
- ბრძანებები if, compute, recode, count და მათი სინტაქსები;
- მონაცემების დაყოფა (split).

შემთხვევითი ანალიზი (Case study): სტატისტიკის ეროვნული სამსახურიდან მიღებულ SPSS-ში დამუშავებულ ბაზებზე შესწავლილი ოპერაციების განხორციელება.

4. შერჩევა (შემთხვევითი ანალიზი/Case study)

- შერჩევის მიზანი;
- შერჩევის ხერხები და პროცედურა - მარტივი შემთხვევითი შერჩევა, სტრატეგიცირებული შერჩევა, კლასტერული შერჩევა, შერჩევის ცდომილება, „დიზაინ-ეფექტი“, ქვოტური შერჩევა. ქვოტების დადგენის მეთოდები. არასწორ შერჩევასთან დაკავშირებული პრობლემები და მათი თავიდან აცილების ხერხები.

შემთხვევითი ანალიზი (Case study): სტატისტიკის ეროვნული სამსახურიდან მიღებულ SPSS-ში დამუშავებულ ბაზებზე შესწავლილი ოპერაციების განხორციელება.

5. სოციალურ მეცნიერებებში და მარკეტინგში გავრცელებული ძირითადი ანალიზები (შემთხვევითი ანალიზი/Case study)

- მონაცემთა შეწონვა (weight)-ბრძანება, პრობლემები მონაცემთა შეწონვასთან დაკავშირებით, და მათი მოგვარების მეთოდები;
- მონაცემთა იმპუტაცია;
- მონაცემთა განზოგადება და განზოგადებასთან დაკავშირებული საკითხები;
- ერთგანზომილებიანი განაწილების სტატისტიკური აღწერა;
- კროსტაბულაციური ანალიზი. ურთიერთგანაწილების დამახასიათებელი კოეფიციენტების განსაზღვრა. დამოკიდებულების ხასიათის დადგენა;
- სხვადასხვა ტიპის ცვლადების მომზადება რთული ანალიზებისათვის
- მონაცემთა გაზომვის მეთოდები: ცენტრალური ტენდენციების განსაზღვრა, ცვლადის ვარიაციულობის საზომი სიდიდეები, გასაზომი ცვლადის ტიპები და შესაძლო ოპერაციები მათზე;
- ჯგუფებს შორის განსხვავებების აღწერის მეთოდები: ჯგუფებს შორის განსხვავებების დადგენა საშუალოების შედარების გზით (საშუალო, პირობითი საშუალო, ერთგანზომილებიანი ANOVA, T-ტესტი);
- ცვლადების გაერთიანება ანალიზისათვის, რამოდენიმე შესაძლო პასუხების შემთხვევაში Multiple Response ბრძანება.
- მონაცემების სხვადასხვა ჭრილში ანალიზისთვის საჭირო ბრძანებები
- ცვლადების სტატისტიკური მნიშვნელოვნების და სტატისტიკური ჰიპოთეზების შემოწმება, ნდობის ინტერვალი პოპულაციის პარამეტრისათვის.

შემთხვევითი ანალიზი (Case study): სტატისტიკის ეროვნული სამსახურიდან მიღებულ SPSS-ში დამუშავებულ ბაზებზე შესწავლილი ოპერაციების განხორციელება.

6. რთული ანალიზი

- ფაქტორული ანალიზი, ფაქტორების ინტერპრეტაციის საკითხები;
- წრფივი რეგრესიული ანალიზი. რეგრესიული ანალიზის გამოყენებასთან დაკავშირებული პრობლემები და მათი გადაჭრის გზები (კორელაციის კოეფიციენტი, ნაწილობითი კორელაციები, რეგრესიის კოეფიციენტები, რეგრესიის ნორმირებული კოეფიციენტები და მათი ინტერპრეტაცია);
- ლოგისტიკური რეგრესია (მიმოხილვა);
- კლასტერული ანალიზი: ტიპები და მეთოდები.

შემთხვევითი ანალიზი (Case study): სტატისტიკის ეროვნული სამსახურიდან მიღებულ SPSS-ში დამუშავებულ ბაზებზე შესწავლილი ოპერაციების განხორციელება.

2.6.2 მიმწოდებელმა უნდა უზრუნველყოს 2 საათიანი ტრენინგის ჩატარება 18:00 საათის შემდეგ ოთხშაბათს და პარაკვეს შემსყიდველის შენობაში (ქ. თბილისი, სანაპიროს ქ. 4, V სართული). კურსის ხანგრძლივობა - 24 მეცადინეობა. ტრენინგ კურსი განკუთვნილია 4 (ოთხი) მსმენელისთვის.

2.6.3 მიმწოდებელმა უნდა უზრუნველყოს თითოეული მეცადინეობისთვის ქართულ ენაზე შესაბამისი მასალების მოწოდება.

2.6.4 ტრენინგ კურსის დასრულების შემდეგ მსმენელებს უნდა შეეძლოთ კვლევასთან დაკავშირებული ყველა ასპექტის განსაზღვრა და მისი პრაქტიკული განხორციელება SPSS პროგრამაში.

2.6.5 გამარჯვებული პრეტენდენტი ვალდებულია კურსის დასრულების შემდეგ უზრუნველყოს მსმენელებისთვის სერთიფიკატების დამზადება და გადაცემა.

2.7 მომსახურების გაწევის ვადები და პირობები:

2.7.1. მომსახურების გაწევის ვადა: ხელშეკრულების დადებიდან ყოველ ოთხშაბათი და პარაკვეი - 24 მეცადინეობა.

2.7.2 მომსახურების გაწევის ადგილი: ქ. თბილისი, სანაპიროს ქ. 4, V სართული.

2.8 პრეტენდენტის მიერ სისტემაში ასატვირთი მონაცემები:

2.8.1 პრეტენდენტმა უნდა წარმოადგინოს რეკვიზიტები დანართი №1-ის მიხედვით.

2.8.2 გასაწევი მომსახურების ფასების ცხრილი დანართი №2-ის მიხედვით.

2.8.4 ტრენერ(ებ)ს უნდა გააჩნდეს SPSS ტრენინგების ჩატარების მინიმუმ 2 წლიანი გამოცდილება და უნდა წარმოადგინოს აღნიშნულის შესრულების დამადასტურებელი დოკუმენტების ასლები დანართი №3 - ის შესაბამისად.

2.8.5 პრეტენდენტის უფლებამოსილი პირის მიერ ხელმოწერილი დასტური იმის თაობაზე, რომ ტენდერში გამარჯვების შემთხვევაში გასაწევი მომსახურება მოწოდებული იქნება სატენდერო დოკუმენტაციაში მოცემული ტექნიკური დავალების შესაბამისად.

2.9. ფასწარმოქმნის ადექვატურობის დასაბუთება:

2.9.1. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია წარმოადგინოს ფასწარმოქმნის ადექვატურობის დამადასტურებელი დოკუმენტი¹ 3 (სამი) სამუშაო დღის ვადაში.

2.9.2. ფასწარმოქმნის დამადასტურებელ დოკუმენტაციად წარმოდგენილ უნდა იყოს ხელშეკრულებ(ებ)ა.

¹ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-11 მუხლის მე-2¹ პუნქტი.

ხელშეკრულება სახელმწიფო შესყიდვის შესახებ № _____ (პროექტი)

ელექტრონული ტენდერი - SPA

დაფინანსების წყარო - 2016 წლის სახელმწიფო ბიუჯეტი

ქ. თბილისი

“ _____ ” _____ 2016 წ.

სსიპ საქართველოს ტურიზმის ეროვნული ადმინისტრაცია, (მისამართი: ქ. თბილისი, სანაპიროს ქ. №4, ტელ: 2436999, საბანკო რეკვიზიტები: ა.ა. GE24NB033010020016502 სახელმწიფო ხაზინა, კოდი TRESGE22, ს/კ-204578206), შემდგომში წოდებული „შემსყიდველად“, წარმოდგენილი მისი ხელმძღვანელის გიორგი ჩოგოვამის სახით და ----- (მის: ----- ტელეფონი: -----, საბანკო რეკვიზიტები: ----- ს/კ -----) შემდგომში წოდებული „მიმწოდებლად“, წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 ხელშეკრულება სახელმწიფო შესყიდვის შესახებ (შემდგომში - „ხელშეკრულება“) -შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე, კვირა, თვე“ - კალენდარული დღე, კვირა, თვე.

1.4 „შემსყიდველი“ - ორგანიზაცია, რომელიც ახორციელებს შესყიდვას.

1.5 „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.

1.6 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

კვლევის ეტაპების სპეციფიკური საკითხების და SPSS-ის პროგრამული პაკეტის საშუალებით რთული ოპერაციების განხორციელების შესწავლის კურსების უზრუნველყოფის მიზნით სატრენინგო მომსახურების შესყიდვა
(CPV კოდი - 80500000)

3. ხელშეკრულების ღირებულება და ვადა

3.1 ხელშეკრულების ღირებულება შეადგენს: ----- (-----) ლარს.

3.2 ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეული ყველა ხარჯსა და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.4 მომსახურების გაწევის ბოლო ვადაა:

3.5 მომსახურების გაწევის ადგილია:

4. მხარეთა მოვალეობები

4.1 მიმწოდებელი ვალდებულია:

4.1.1

4.2 შემსყიდველი ვალდებულია:

ა) უზრუნველყოს გაწეული მომსახურების წინამდებარე ხელშეკრულების პირობებთან შესაბამისობის კონტროლი და დადებითი შეფასების შემთხვევაში მისი მიღება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

ხელშეკრულებით გათვალისწინებული მომსახურების ხარისხი უნდა შეესაბამებოდეს შემსყიდველის მოთხოვნებს.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2 ინსპექტირებას განხორციელებს საქართველოს ტურიზმის ეროვნული ადმინისტრაციის -----
-----.

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია, პერიოდულად ჩაატაროს ხარისხის კონტროლი და თუ აღმოჩნდება ხარვეზი გაწეულ მომსახურებაში, მიმწოდებელი ვალდებულია შემსყიდველის მიერ წერილობით დადგენილ ვადებში გამოასწოროს ხარვეზი, ხოლო თუ მიმწოდებელი ვერ შეძლებს ხარვეზის გამოსწორებას და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული მომსახურების ღირებულება.

7. მომსახურების მიღება-ჩაბარების წესი

7.1 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ინსპექტირების განმახორციელებელი პირის/პირების ანგარიშის საფუძველზე.

7.2 მომსახურების მიღებას აწარმოებს საქართველოს ტურიზმის ეროვნული ადმინისტრაციის -----
-----.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება ეტაპობრივად, მიღება-ჩაბარების აქტების გაფორმებიდან და საგადასახადო ანგარიშ-ფაქტურების (დღგ-ს გადამხდელის შემთხვევაში) წარმოდგენიდან 20 (ოცი) დღის განმავლობაში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ვერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო მოკლე ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტით განსაზღვრული მომსახურების შეუსრულებლობის ან არაჯეროვნად შესრულების შემთხვევაში, მიმწოდებელს ეკისრება პირგასამტეხლო ხელშეკრულების ღირებულების **0.07%-ის** ოდენობით.

10.2 წინამდებარე ხელშეკრულების 6.3 პუნქტით გათვალისწინებული ხარვეზის აღმოფხვრისათვის შეტყობინებით დადგენილი ვადის გადაცილების შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების ღირებულების **0.07%-ის** ოდენობით.

10.3 თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს

ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ხელშეკრულებაში ცვლილების განხორციელება შესაძლებელია მხარეთა მიერ წერილობითი შეთანხმების საფუძველზე.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტის წესი

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 შემსყიდველი მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14 .ხელშეკრულების მოქმედების ვადა

წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს **2016 წლის ----- ჩათვლით.**

15 .ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ ათავისუფლებს ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16 სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე. აქედან ერთი გადაეცემა შემსყიდველს, მეორე - მიმწოდებელს.

17 .მხარეთა რეკვიზიტები:

შემსყიდველი

მიმწოდებელი

რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

ხელმოწერა

ბ.ა.

გასაწევი მომსახურების ფასების ცხრილი

პრეტენდენტის დასახელება _____

№	მომსახურების დასახელება	მსმენელთა რაოდენობა	ერთეულის ფასი	სულ ფასი	მომსახურების გაწევის დრო და ადგილი
1					
სულ ჯამი					

_____ ხელმოწერა

ბ.ა.

ინფორმაცია ტრენერის გამოცდილების შესახებ

№	პირადი მონაცემები	განათლება	გამოცდილება
1	2	3	4
1			
2			
...			

ხელმოწერა ბ.ა.

1. ტრენერ(ებ)ს უნდა გააჩნდეს SPSS ტრენინგების ჩატარების მინიმუმ 2 წლიანი გამოცდილება და უნდა წარმოადგინოს აღნიშნულის შესრულების დამადასტურებელი დოკუმენტების ასლები დანართი №3 - ის შესაბამისად.